



Daifim

An Official Organ of YMA, Khuangpuilam Branch.

YMA MOTTO



Hunawl hman that
Zofate hmasawwna ngaihtuah
Kristian nundan tha ngaihsan

Khawchin : Source - Accuweather.com



Ruah a sur rin a ni.
Temp - Max: 28°C Min: 23°C
Dar 4:31-ah ni a chhuak ang a,
Tlai Dar 6:09-ah a tla leh ang.

Vol - VI Issue No. - 21

- Nikir Thla -

14th June, 2020 (Pathianni)

Tunkar chang vawn : I Pet.4:8

*"Thil dang zawng aiin thinlung taka
inhmangaih tawn uar rawh u,
hmananghain sual tam tak a khuu si a."*

No. CYMA 74/2019-2020/13 of
8.6.2020

Central Young Mizo Association

Mizoram : Aizawl

THU CHHUAK

Tunlai hrleng mek avangin kan ramchhungah hrivei mi 43 kan awm ve ta reng mai a. He hripui hi a darh zel loh nan fimkhur taka chenko kan zir tlan a ñul hle. Mizoram Chief Minister hova hmalakna chungchang sawihona vawiin June 8, 2020 (Thawhtanni) chhun dar 12-a neih chuan, inkharkhip hi khauh zawka kalpui ni se tiin a rel a. Inkharkhip hi kar hnih chhung atan hman phawt a ni ang a, zanin dar 12 aþangin hman tan tura ruahman a ni. Hetiang a nih avang hian Sub-Hqrs/Group/Branch YMA te ñhahnemngai taka ñan la tur leh sawrkar hmalaknate thlawp tlat turin kan inngen a ni.

1. State pawn aþanga lo hawte inkharkhip hun chu ni 14 aþangin ni 21 chhung atan pawh sei a ni.
2. In lama inkharkhip hi loh theih loh leh natna bik neite an nih loh chuan kalpui loh tur a ni e.
3. Inkharkhip kalpui dan tur hi khawpui leh thingtlang atan ruahmanna siam a ni dawn a, Sawrkar thuchhuak ngaihchan ni se.
4. Mahni awmna veng/khua ñheuhah Task Force tichak turin nasa zawka ñan lak ni se.
5. Kan ram leh hnam himna hi kan kutah a awm tih hria a, ñhahnemngai taka ñan la tur leh bang lova ñawngtai turin kan inngen e.

YMA vul zel rawh se.

Sd/-

Prof. Lalnuntluanga
General Secretary,
Central YMA.

Chief Minister hova inrawnkhawmna neihni

Total Lockdown chawlhkar hnih chhung kalpui a rel

Dated Khuangpuilam, the 14th June, 2020 (Pathianni) :

Nikir thla ni 8, 2020 (Thawhtanni) khan Chief Minister Pu Zoramthanga hovin Assembly Annexe Conference Hall-a Covid-19 chungchanga inrawnkhawmna neih chuan Covid-19 hrleng chu a darh zau zel loh nan chawlhkar hnih chhung state chhungah ni 8 zanlai dar 12) aþangin Total Lockdown neih a rel a. A kaihhruaina chu State Executive Committee, Mizoram State Disaster Management Authority-in a chhuah dawn a ni.

Total Lockdown hi khawpui chuan khauh taka kalpui a ngaih chhan awm mahse thingtlang khaw ñhenkhatah chuan nunphung pangngai deuh thaw a kal a pawiloh theih avangin, state pum a angkhat a khuahkhirhna kalpui vek a ñul loh thu leh, hemi atan hian veng/khua leh area a zirin kaihhruaina siam rel a ni a. Hemi hun chhung hian mipui tan phurrit lutuk a awm loh nan mamawh leina hun tur leh dawr hawn dan tur pawh fel taka ruahman a ni ang.

Tuna quarantine hun chhung ni 14 kalpui mek chu ni 21 ah pawhsei a ni dawn a. Lockdown kalpui chhung hian state pawn aþanga tangkhang lo haw te a tam thei ang ber leh chak thei ang berin PCR test tih a ni ang a. Home quarantine chu damlo leh a ñul bik thenkhat tan lo chuan tih loh hram ni se tiin rel a ni bawk.

Health Minister Dr. R. Lalthangliana chuan ZMC-ah tun hnai aþang khan ni khat a 300 dawn sample endik theih a nih tak thu leh khawl tam zak hman thuai tum a nih thu a sawi a. Reilo teah RT-PCR khawl thar chah thlen thuai a nih tur thu sawiin, PCR khawl tlukpui Trunat chu Lunglei-ah tunah hian pahnih hman theihin a awm tawh thu a sawi bawk. Health Minister chuan community spread a awm loh nan theihtawp chhuah a tul thu a sawi.

Inrawnkhawmnaah hian Mizoram a COVID-19 positive te chu ñhalai lam zel ni mah se ram dang nen a inkhaikhin chuan 'vulnerable group' an tih, natna hrang hrang cancer, bp sang, HIV +ve, leh adangte kan tam avangin ram danga an dampui mai ñhin kha keini state-ah chuan a hlauhthawnawm theih avangin vantlana kan inkaidarh loh nan a vei mek awm thei turte zawnchhuah thuai theih nan leh chumi chhunga inkaidarh a awm loh nan total lockdown kalpui a ñul thu an sawi a. Chennai aþanga lo haw quarantine period zo tawh te pawh PCR test tiin tunah hian hmalak mek a nih thu sawi a ni.

Chief Secretary Pu Lanunmawia Chuaungo chuan Temporary ILP pek chungchanga zau taka Mizoram lo lut duh apiang hnenah pek a nih loh tur thu a sawi a. Sorkarin a bik taka a mamawh, lo kal ngei ngei ngai, entirman khawl rawn siam tur te emaw, Home Department in phalna a pek tawh te tan a ILP issue thei tur a ruat mai a ni, a ti a. Heng ILP issuing authority a ruat te hian an duh thuin ILP an pechhuak theilo a ni.

Inrawnkhawmnaah hian Assembly House Speaker Pu Lalrinliana Sailo, Health Minister Dr. R. Lalthangliana, Home Minister Pu Lalchamlia, I&PR Minister Pu Lalruatkima, Social Welfare Minister Dr. K. Beichhua, H&FW Board Vice Chairman Dr Z.R. Thiamsanga te telin, Indian Medical Association (IMA), Mizoram Govt. Doctors Association (MGDA) Non- Govt. Hospital Association of Mizoram pawl aiawhte leh MKHC, NGO Coordination Committee, All Mizoram Village Council Association leh Aizawl City Local Council Association aiawhte leh sorkar department a hotu pawimawh te an tel a ni.

YMA chu ñanpui ngaite ñanpuitu a ni. – YMA Kumpuan : Zirna uar

Editorial Board :

Editor: Pu Ricky MS Dawngzela
Jt. Editor : Pu Lalsiamkima
Treasurer: Nl. Florence Zoremsangi
Cir.Manager : Tv. Samuel Lalpekhlua
Contact No: 9862501858 / 9612691291
9612761781 / 7005494983

Branch YMA Office Bearer

President Pu HD Daniala 9863212083	Secretary Pu Lalremsiama Varte 9862327112	Treasurer Pu David lalrosanga 9436158962
Vice President Pu S. Lalthangliana 8787326114	Assistant Secretary Nl. Florence Zoremsangi 9612761781	Financial Secretary Pu Rotlingpuia 9862385193

FLS Station - 9612566886

Chawngbawla Section

Leader : Pu F. Lalbiaksanga
96121 55162
Secretary : Tv. R. Lalnuntluanga
82599 60032

Vanapa Section

Leader : Pu Lalchuaailova
87300 99599
Secretary : Tv. Lallawmzuala
87875 41803

Khuangchera Section

Leader : Pu Lalramzaaua
76408 95924
Secretary : Pu Zachungnunga Hrahse
76299 69989

Editorial.....

A ngaih ve kherna ka hre lo!!

Kan nunah hian darkar/ minute/ second tinin duhthlan tur a inchhawp reng a. Zinga kan hrah chiaah atangin, 'Ka tho ang nge tlem ka la mu sek ang,' tih atangin kan tan a. Kan han tho chhuaka dar zat en pahin thingpui ka in dawn nge dawn lo, nge tui/tui lum ka in zawk ang? tihah duh thlanna kan nei zo a. Chutiang reng reng chuan kan hmaah hian duh-thlanna tur tenau atanga a lian thlengin a inchhawng tup thin a ni.

Tun hun khirh kan tazoh lai pawh hian duhthlanna kan siam dawn reng rengin hri laka kan himna tur kan ngaihtuah hmasa ngei ngei tur a ni. Kan bazar hunah a ni emaw, kan hnathawhna hmunah a ni emaw, thil sem nikhua a ni emaw chung zawng zawng tih dawn hunah chuan a pawimawh hmasa zawk kan taksa/nun himna kan ngaih pawimawh a tul hle dawn a ni.

Kar liamta lawokah sawrkar hmalakna pawimawh tak, Malaria leh thosi seh avanga natna awm thei laka kan him nan Health department lamin thosi an sem a, a lawmawm hle mai. Mahse, thosi seh natna laka himna tura inbuatsaih si khan a aia hlauhawm zawk tunlai hri darh hlauhawm laka kan inoeng lo kha a pawikhawp mai. Kan awm khawm hung mai a, vai chaw dawh ang maiin chan loh hlau niawm taka inbawr tuau tuau hi a finthlak loh hle mai. Kan indaih an rawn sem ngei ang.

Eng hmalaknaah pawh kan nun hi kan fimkhur a ngaih zual lai a ni tih hria ang. 'A ho e!' hi a ho reng lo a nia. A ho e tiliam thinte hi a hruah an buai thin.

**Kolasib District-a
Total Lockdown kalpui dan tur**

Ni 8 June, 2020 chawhnu khan DC Conference Hall, Kolasib-ah Bawrhsap Dr H. Lalthangliana kaihhruainain Kolasib district huam chhunga Village Council leh Joint VLTF hruaitu hrang hrangte nen Total Lockdown kalpui dan tur chungchang inhrilhhriatna hun hman a ni.

Dr H Lalthangliana chuan Quarantine Facility enkawl dan tlangpui te tarlangin, Kolasib district chhungah chuan Home quarantine kalpui tum a nih loh thu a sawi a. Facility quarantine a awm mekte leh tangkhang lo haw buaipuitute chu Swab sample lak vek a nih tawh thu a sawi baw a ni. DC chuan tunhnaia Mizoram mi leh sa tangkhang lo haw zinga Kolasib district mi, thlawhtheihna emaw, rel leh bus emaw hmanga lo hawte chu khaw chhung rap lovin Quarantine Facility ah dah nghal thin an nih thu a sawi a, intlawh leh thil inpekthe chu Quarantine Facility enkawltute phalna la lo chuan a theih loh thu a sawi. Quarantine Facility a awmte ei leh in leh an mamawh zual te chu pek thin an nih thu tarlangin, mi inphal thenkhatte atangin Quarantine Facility enkawl na tur pawisa leh eitur te pawh dawn thin a nih thu DC chuan a sawi a, Quarantine Facility a awm te zingah an awm chhung ei leh in senso intum pawh an awm mek thu a sawi baw a ni.

Quarantine Facility a awm te chuan a enkawltute kaltlangin an mamawh zual te an lam tir phalsak an ni a; amaherawhchu, pawisa faia inpek a theih loh a, online banking hmang a inpek tur a ni.

Kolasib district atang hian Swab sample 871 lak tawh a ni a, Quarantine Facility ah hian mi 530 awm mekin mi 700 vel leng tur a Quarantine Facility hi ruahman a ni a. Covid-19 vei mi 41 enkawl theihna tur hmun buatsaih a ni baw.

Nun nuam zawk neih tum vek kan ni a; mahse, engtik lai pawha nawm tumte tan erawh nun harsa leh hrehawmna mai a ni.

**Khuangpuilam VLTF
Thuchhuak**

1. Permit chungchang :

Vengpawna chhuak tur leh hnathawka chhuak tur permit mamawhte chuan zing dar 6:00 leh dar 9:00 inkar chhungin Main Duty post ah permit lak fel vek tur a ni. (Zing dar 9:00 hnu lamah tumah permit pekchhuah a ni lovang).

2. Bazar Chungchang :

Thlai chawhmeh bazar hi Thawhlehi leh Inrinni tlai dar 2-5 inkarah BNRGSK Hall kawtah siam a ni ang.

3. Dawr chungchang :

Khuangpuilam huam chhunga dawr te chu tlai dar 5:00 thleng inhawn phal vek an ni.

4. Mipui pawnchhuah chungchang

Vengchhung mipui te a tlem thei ang ber pawn chhuak turin kan inngen a. Mipui pawn chhuak tur reng reng ten Hmai-kawr vuah vek tur a ni a, hmun khatah mi 5 aia tam awm phal a ni lovang, social distance ngaih pawimawh theuh tur a ni.

5. Thil Zuar : Khuangpuilam huam chhungah in tina kal kual a thil zawrh chi reng reng phalloh a ni.

6. Duty chungchang :

District Magistrate in lockdown kaihhruaina a siam angin zan lamah patrolling neih thin tur a ni a. Mipui te chu zan dar 7:00 hnu lamah pawn chhuak lo turin kan inngen nghal baw a ni.

Tin, dawr bungrua hlang thla tur ten zan dar 6:00 atanga dar 10:00 inkar thleng chauh hlan thlak phalsak an nih angin hemi hun chhung a mahni dawr bungrua te chu unload fel hman turin dawr neitute kan inchah nghal baw a ni.

VC Tlangau

June thla NR inhlawhna hlawn lakna tur hming a sign leh theih tawh a. Vawiin i.e ni 14 June, 2020 (Pathianni) ral hma ngeiin VC Treasurer, Pu R Lalmachhuana hnenah hming sign vek tur a ni.

SAMARI KHAW LOCKDOWN LEH KEINI

-Rev. Labiakhlira

Samari khaw Lockdown chanchin hi Bible-a II Lalte 6:24-7:20 chhûngah kan hmû. Kan lockdown nen khâikhin teh ang.

1. Samari Khaw Lockdown:

Samari Khaw Lockdown kha hmu hman ve lo mah ila, Samari khaw lockdown kha pui tak a ni, a râpthlâk bawk! (1) Suria lal Benhadad'a sipai rual a khâwm, Samari khua an hual tlat. Samari khua an in-lockdown! (2) Samari khua-ah ãam "nasa takin" a tlâ! (3) Ei tur a zo! Pum tipuar thei apiang an ei, man a nei vek tawh! A to êm êm zui! Sabengtung lu khat man pawh tangka 80 lawih! ãuro êk man "Kab hmun lia ãhena hmun khat tangka 5"! (4) Mihring sa pawh an ei! An fate sa an talh a, an chhûm a, an ineiãawm! (5) Inbumna a nasa! Mi fate sa eipui zeta, mahni fa te talh phal leh si lo, thukru leh si thubuaiin Lal beng a thleng! (6) Lal ber lu a hai! Lalin tihngaihna a hre tawh lo. Fa intalh thubuai-ah nu pakhatin, "Aw lalber, ka pu, min pui rawh" a ti dêk dêk a. Lal a beidawng! Zâwlnei Elisa pawh tihhlum a tum hial! A â zo tawh a ni ber. (7) Pathianin hna a thawk! Kulh pâwna awm, phâr 4 mangangten 'thih leh thihin' Suria sipaite an pan! Pathianin Suria sipaite "Sipai chak tak thâwm" a hriattir! An tlânchhe chiam! An neih zawng zawng an tlânsan; kawngah an thlahu ãeuh bawk! ãam mêkte an va tlai dawn em! Pathian rorêlna hi a takin a fel vêl vek" (Sam 19:9) tih a Chiang.

2. Keini Lockdown Ve Thung:

Ni 21 turah ni 10 kan tawm-imna a ni ta, ni 11 chiah a awm ta! Kan dinhmun ve thung: (1) Covid-19 hripuiin min hual! Him nân India ram pumah mihring Vaibelchhe Za Sawm Thum (130 crore) kan lockdown mêk! (2) Tuma'n ui reng kan nei lo! "Pathian hmingin" kan neih apiang kan theh chhuak! ãam kan dang châr zêl! (3) Mipui hmâ a tlar hmâah sawrkar, Dâktawr leh damdawi lam timite, Police, khawtlâng task force, eiin thiar vêltute an ding! Mipuiin ina tawm-im tlat chungin kan ãawngãaipui. Khawvêl pum tân kan ãawngãai mêk bâwk. (4) Chhûngkua tam tak Pathian hnênah ãhingãhiin kan inhlân thar! Taksa, rilrû leh thlarau lamah "Chhûngkaw Harhna" a thleng.

3. Thil Thleng Thei:

(1) Min hual mêktu Covid-19 theihngihilha fimkhur loh palh chuan min ãingmit thei reng. (2) Inthinhrik a chi loh! Kan ãanruak hi a pherh vaih chuan kan chhe vek thei! Entîr nân, eiin thiartute hi thinhrikin, nuar ve ta mai se, mahni fate kan talh ve mai lo ang maw? An nuar lo ang! Hêtiang hre lâwk vek hian, "Ram leh hnam tân kan thawk zêl dawn" tiin an inpe tawp kha a ni a, a thlamuanthlâk. (3) Lockdown hun a zawh hian kan him chuang lo mai thei! Mahse, Pathian bel tlat ila, Samari khaw mite ang mai khân mak takin min hnehsak vek ang.

4. Covid-19 hnutchhiah ei tûr:

Lockdown a zawh hunah, Suria sipai ang mai khân Covid-19 tlânchhia hian eitur min hnutchhiah dawn! Engtin nge chu chu?

Kal (kidey)-a lung tê awm tidam turin zai nat phawta, lâk chhuah a ngâi! Covid-19 hian khawvêl pum eibâr dinhmun a hnûk chhe mêk. Mahse, hmalam kan pan leh vek ang; a hmâ aia chakin kan ãhang âwk vek dâwn. Mi chak Pathian rin min zirtîr a, inhmangaih min zirtîr a, ãanruah min zirtîr bawk. Tumahin chawmhlawm nih kan duh dâwn lo. Mahni leh chhûngkaw tin harhna hi Zoram leh khâwvêlin a man a têt dawn.

5. Inhmâkhua Ang:

Ina tawm-im chung leh mipui mimir inhnaih loa tih theih pahnih khat han rawt chhin ila. (1) Chhûngkaw tinin "Chhûngkaw Ekâw (Economics)" kan kalpui a ngâi. Kan neihsâte leh kuta awm mêkte renchem a ãul. (2) Kan thil neih, hman ãangkâi theih- keimahni mihring, pawisa, thing, mau, huan-lo-ram adt., a ãangkâi thei ang berin kan chhuah vek a ãul. (3) Mahni in leh a vêt, thlâi chîn theihna awm apiangah thlâi kan chîng khat vek thei. Ram âwl ãhinte chu nitin mamawh thlâi chitinin kan tikhat ang. Hei hi lockdown chhûngin kalpui theih a ni. Thlâi chi nei apiang Local Task Force ruahman ang zêlin kan inpeizâwn thei. A daih vek dâwn loh avângin sawrkâr a chet ran a ngâi thei. (4) Lo, Leilet, leipui, nûl hmun, huan, sangha dil adt., nei apiangin kum dang aiin beih nasat a ngâi. Pathianin "Tô Ruah" a rawn tîr der tawh! Theihâi a pârnasâ! A vûr kum a ni thei. Sawrkâra inngah lutuk tihtlem leh ãanpui zâwk a finthlâk ang. (5) Chhuanchham chhûngkaw tân zâmna tur a awm lo, Mizo Kristian nunin kan inpeizâwn zêl ang. Sawrkâr, Kohhran, Mizo a awm chhûng chuan zâmna tur a awm lo. Covid-19 hian Mizoram BPL chhûngkaw zât pawh a titlêm ngêi dâwnin a lang e.

Pathian thu chuan, "A ram leh a felna chu zawng hmasa zawk rawh u, tichuan chung zawng zawng chu a pek belhchhah dawn che u nia. Chutichuan, atûk atân lungkham suh u, atûk chuan amâ tân a lungkham chawp dawn si a. Ni khat atân ni khat hrehawm chu a tâwk a ni" (Mat 6:33-34) a ti a. Kan tihtheih chinah, "Mihring sum hlu chu taihmâk a ni" (Thuf 12:27) tih kan 'apply' ang. Kan tihtheih hauh loh lungkham erawh chu Lal Isuan a phal lo. Pathian ring tlat ila, min hrui zêl ang.

CHHÛNGKAW TIN LALPAN COVID-19 LAKAH VÊNGHIM CHE U SELA, IN TÂN MALSÂWMNA THLENTU ZÂWK RAWH SE.

CHANCHINTHAR**CHARGE HLAN**

P&E Department hnuia Transmission & Switchyard Sub-Division, Bairabi-a SDO Er. PC Vanlalruata (Silchar Road, Venglai) hnenah Er Daniale Chhange, SDO P7E Kolasib division chuan charge a hlan fel.

EF&CC Department hnuia Conservator of Forests, Northern Circle, Kolasib, Project veng, CF ni lai Pu V.Lalfala, IFS chuan Pu Kawlhunna IFS hnenah dt. 8/6/2020 (Thawhtanni) khan C.F (Conservator of Forests) charge a hlan baw. Ani hi Kum 2017 aṅga Conservator of Forest, Northern Circle, Office run a nih hnuia CF pathumna tur a ni.

KOLASIB AH GREEN MIZORAM DAY, 2020 HMAN ANI

Dt. 11/6/2020 khan Green Mizoram Day 2020 pualin Kolasib district hmun hrang hrangah thing phunna neih a ni a. TNT Centre-ah Dr H Lalthlangliana, Deputy Commissioner, Kolasib chuan thing a phun a. He hunah hian Pu Laltlanhlua Zathang, DFO, Pu Vanlalfaka Ralte, SP leh Forest department thawktu thenkhat te an tel a ni.

Kolasib khaw chhung bikah Sawrkar Department leh pawl hrang hrangte hnenah DFO Office aṅgin thing tiak 311 phun tur a pek chhuah a ni a. Kolasib Forest Division hnuia a Range hrang hrangah Green Mizoram Day hi hman ni bawkin thing tiak thahnem tak phun leh sem a ni.

COVID-19 VEITE ENKAWL TURIN INPE

Haulawng tlangval T Lal-himpua (25) s/o T Lal-lungmuana chu Covid-19 veite enkawl turin a inpe. Thu dawn danin, T Lalhimpua hi kum 2018-a health worker zir zo tawh a ni a, nimin khan Lungleia Health department hotute hnenah kalin, Covid-19 veite hlauh nei loa enkawla thawh a duh thu a thlen a; Covid Care Centre, Pûkpui, Lungleia a ?ul angin an chhawr dawn a ni.

DAMDAWI-INA THAWK TURIN SAIUAL THALAI 26 AN INPE.

Saiual khawpuia thalai mi 26, mipa 17 leh hmeichhia pakuate chu Covid-19 vanga Saiual District Hospital-a thawktu indaih loh phuhrûkna atan hlauh nei loa thawk turin an inpe.

COVID-19 ENKAWL DAM ZAT RATE A SANG ZEL

India ramah ni khatah 1,50,000 test thei a, Enkawl dam zat 49.21% a tling tawh, Sorkar laipui chuan 12/6/2020 (Zirtawpni) report an tihchhuahah Covid-19 kai enkawl dam rate 49.21% a ni tawh tih tarlangin, hei hi nitina report an tihchhuah aṅga enkawl dam rate/dam zat san ber tum a ni.

MIZORAM UNIVERSITY 67-NA

Ministry of Human Resources Development hnuia National Institutional Ranking Framework chuan India rama university hrang hrangte dinhmun an endikna ti chhuakin Mizoram University chu 67 a ni. Hmarchhaka university zingah MZU bakah hian Tezpur University (39-na), Gauhati University (47-na), NEHU (49-na) te chu top 100 ah an lang.

MASK VUAH LAMALSAWMNA NI RAWH

Mithiamte sawi danin Covid 19 vei damloin mask a vuah loh chuan a veilo midangah mask vuah reng chung pawhin natna a kaichhawn theihna hi 70% lai a ni a. Mask a vuah erawh chuan midang mask vuahloah pawh a kaichhawn theihna hi 5% chauh a ni. A natna vein mask a vuah a, a vei loin mask a lo vuah ve bawh chuan natna inkaichhawn theihna hi 1.5% ah a tlahniam thei an ti.

Hetiag a nih avang hian he hrileng laka himna tur chuan mask vuah hi kan tih makmawh a ni. Mask i vuah hian za ah zain i him phahlo a ni maithei, amaherawh chu midang i kaichhawn zelna tur erawh nasa takin a veng thei a ni. Chuvangin tun hun hi midangte tana malsawmna i nih theihna hun tha leh remchang tak a ni e. Midangte tan malsawmna i nih theih nan Mask hi lo vuah ve thin ang che.

KHIANGTE SUZUKI

Access 125 BS6, Burgman 125 leh
Gixxer New Model stock kan nei reng e.
Spare parts leh Servicing-ah buaina a awm lo.

Honda Dealer kan ni bawh a,
duhthlan tur hrang hrang kan nei e.

Min dawrtute Registration
kan buaipuisak thei nghal bawh e.

Motor Insurance pawh kan tithei e.



(9-7)

Khiangte Suzuki
Diakkawn, Opp KCN Building
Contact : 9862348009
7005612620

IN LUAH TUR

Aizawl - Hualngo hmun, Samtlang khaw kawngah In, nupa rek/unau a luah theih, a duh tan vawh pahni vel vulh leh chuktuah huan zau vak lo siam theihna luah tur a awm e. Ruihtheih thil ti lo ni se, luah man chu a neitu nena in biak rem dan ani ang.

Contact 9436152474/9092532713

(2-1)

DOCUMENTATION

Kumin YMA Day denchhen hian Khuangpuialam Br. YMA chuan Hruaitu hluite nen kum 2015 aṅga 2020 thleng Branch hruaitute thlalak neih a rel a, hei hi ngai pawimawha tel theuh turin kan insawm in kan in ngen e.

A hun : 15th June, 2020 (YMA Day) @ 11:00 AM

A hmun : Pu Laltanpuia Rengsi

Documentation i/c : NI. Florence Zoremsangi
Kum 2015, 2016, 2017, 2018, 2019, 2020 a Br. YMA hruaitute, a kum bithliah te te a thla hi lak tum a ni a, Formal Dress hak vek ni se.

Sd/-

Secretary
KPL Br YMA

Khuangpuilam YMA DAY Pual**Hriattirna leh Ngenna**

Kumin YMA DAY denchhen hian Branch chuan vengchhung tihfai hnatlang neih leh ni se a ti a, hnatlang hi a nawlpui a neihte a remloh thin avangin HLO bur lei a kah mai tur a ni ang, Section hruaituten hma lo lak mai ni se a lawmawm hle ang. Hlo/herbicides hi kan Sum enkawltuten YMA Day hma in an rawn semkual turah ngai ila a tha awm e.

Sd/-

Secretary
KPL Br. YMA.